

SANTEZ BARBA BENNIGUET,
INTERCREDIT EVIDOMP, NI HO PED.

HISTOR EUS A VUEZ

SANTEZ BARBA,

*Pehini zo madda veza reclamet dioc'h
argurun ha dioc'h ar maro subit.*



Var an ton ordinal.



ME ho suppli , compagnuñez ,
Da zelaou cana ar Vuez
Da zantez Barba biniguet ,
A zo a nevez composet.



Er bloa daou c'chant hac anter-cant ,
Dindan Maximin an tyrant ,

Demeus a noblanç bras meurbet ,
E Nicomedi voe ganet.



He zud a voa idolatret
A gorf , a galon , a speret ;
He zad d'ar gristenien garo ,
A rê o laqat d'ar maro.



Mes ar Verc'hez Santez Barba
Nemet Jesus ne gar netra ;
Christenez voe evit certen ,
Ha souten vrás d'ar gristenien.



Oc'h e beza caer meurbet ,
Gant eur prinç bras voe goulennet ,
Hac e voa gantâ deziret
Evit e c'haouet da`bried.



He zad a gommandas dezi
Accepti souden ar parti ;
Mes hi a respontas neuze
Ne raje biqen an dra-ze.

O sònjal galloud he dompti ,
Gourc'hemen a eure dezi
Antren en eun tour er prison ,
O clasq he renji d'e rôson .



Eno e câvas Doue e zad
A ranversas gant eun tol troad :
Da Jesus-Christ en em roas
Corf hac ene a galon vad.



Ar c'homzou-màn a lavaras :
Jesus a zo maro er groas ,
Voui a rân d'ho Majeste
A galon va virginite.



Neuze souden , dre viracl bras ,
Sin ar Groas qen don a c'havras
Gant e bis en eur men calet ,
E effaci ne allet qet .



Goude-ze e commandas prest

— 4 —

Ma vije great tri brennest
Evit enori an Drindet
A gare a galon barfet.



He zad an dra-ze pa velas ,
Ous ar Zantez a c'houennas :
Petra sinifi qementse
Zo grêt dre hoc'h autorite ?



Evit enori an Drindet
O ober am eus commandet :
An Tad , ar Mab , ar Speret-Glan
A zo tri ferson en unan.



Tri brennest zo var ar prison ;
Un Doue zo en tri ferson ;
Mes va entent na ellit qet ,
En defot beza badezet.



Va zad , pa em eus commancet ,
E livirin dêc'h eur secret :
Credi a rân en Jesus-Christ ;

Ha droug a ràn , ma zoc'h-hu trist ?



Souezet omp ouz ho qüelet
Entrezoc'h , e'houi , idolatret ,
Ouz ho qüelet oc'h adori
Doueou grêt gant mein ha pri.



Me ne ràn qet a estim bras
A Jupiter nac a Ballas ;
Satan en deus o invantet
Evit coll ar bobl eus ar bed.



Eur re zo Egyptianet ,
Hac a ador ar serpantet ,
Ispicial ar c'hocodil ,
A zo var dro rivier an Nil.



Darn all a ador un eujen ,
Eur seurt all a bed un azen ,
Hac an dud a Alexandri
A ador ar c'hañ bac ar c'hi.



Etrezomp-ni oll , Christenien ,

A ador un Doue mui qen ,
Pehini a zo an Autrou
Eus an douar hac an ênvou.



Ho pet, balamour da Zoue ,
Ho pet truez ouz hoc'h ene ;
Lest al lezen-ze milliguet ,
Petramant e viot daonet.



He zad neuze pa e c'hlêvas ,
Dre goler vras e respontas :
Effrontet out , en assuranç ,
Comz er fêcon-ze em presanç .



Ia , ret eo , assuramant ,
E pez-te collet da sqiant ,
Adori un den zo crouguet
Evit crimou hep mar ebet.



Va zad , laqêt voa d'ar maro
Gant ar judevien en e vro ;
Mes , va zad , ne ententit qet ,

Penevert se e voamp collet.



Da ennes en deus va frenet ,
Va zad , ez on-me demezet ;
Brassoc'h mestr eo assuramant
Eguet Maximin an tyrant.



Ennes en deus grêt a netra
Qement a velomp er bed-mâ ,
Hac a rei eur plaç da repos
D'ar Gristenien er Barados.



Mes ar re ne gredit enna ,
Pa zeuyo da varn ar bed-mâ ,
O c'hondaono d'an tan grissas ;
N'en deus poan a ve qen divlas.



En eur goler ec'h antreas ,
E gleze diouc'h-tu a dennes ;
He treuzi a fellas dezàn ,
Mes Doue a viras ountân.

Redec a eure var he lerc'h ,
Mes eur roc'h güenn evel an erc'h
Evit he c'honservi antier
En em digoras dre'n anter.



Goude-ze e voe qemeret ,
Ha gant qerden rust amaret ,
Ha d'ar president Marcian
E zad el livras e-unan.



Ar president , pa e güelas ,
Ouc'h ar Zantez a c'houlennas :
Din-me prontamant livirit
Peseurt Doue a adorit.



Credit-hu certen , president ,
Christenez oun certenamant ;
Ha ne zeus nac aour na tourmant ,
A elfe chench va zantimant.



Ho toueou zo hep gallout

Na da ober na mad na droug ;
Rac-ze e zeo bras ho fazi
Laqat ar bobl d'o adori.



Souëzet bras oun-me ganeoc'h ,
Va merc'h , truez am eus ouzoc'h ;
Qüittait ho lezen ato ,
Pe autramant ez oc'h maro.



Mar qirit chench a zantimant ,
Me royo dêc'h aour hac arc'hant ,
Hac eur Prinç bras evit pried ,
Ho caro a galon barfet.



It gante en perdition ,
Jesus eo va zenzor güirion ;
Bras ve an den ambitius ,
Ma na ve contant a Jesus.



E zad' neuze , pa he c'hlêvas ,
D'ar presidant a lavaras :
Autrou presidant , grit justic ,

Rac homàn zo leun a valiç.



Rac-ze grit justiç , me ho ped ,
Ha dezi ne faziet qet ,
Pe me scrifo a dra certen
Ez oc'h evit ar Christenien.



An Impalaer dre e arrêt
A ordren ma vezo losqet ;
Mar faziit , credit ervat
Ez oc'h assur da goll ho stat.



Neuze souden voe divisqet ,
Ouz eur pillyer e voe staguet ,
Ha dispennet gant scrifellou ,
Ma coeze he c'hig a beziou.



Un horrol bras e voa güelet
He goad virginal o redec ,
He ne voa den , bras na bian ,
N'e voeljont oll guitibunan.

Goude d'ar prison voe casset,
Er bassefos e voe laqet,
O clasq dont a ben anezi,
Autramant e disesperi.



Neuze souden voe bisitet
Gant Jesus-Christ, Salver ar bed,
Pehini, en eur douch outi,
A eure salo anezi.



Barba, va merc'h, ho pet courach,
Rac ar President a arrach
Ouzoc'h, en defot va c'huittât
Da adori Doue ho tad.



Jesus, n'am abandonit qet,
Mar plich ganêc'h, va zicouret,
Ma ellin souten constamant
Evit ho cloar pep seurt tourmant.



An eol, al loar hac ar stered.

A ve qent mil güech distrujet
Hepqen ma fazien deoc'h
Ha n'am be sourci ac'hanoc'h.



An eil ternos e voe tennet
Evit beza interrojet ,
Hac e voe roet dei da choas
Renonç , pe souffr tourmanchou bras.



Hi , fortifiet gant Doue ,
Prest a respondas d'ar Roue :
Lavaret em eus dêc'h dija
Va zantimant , hep nac'h netra.



Birviqen james ne chonchàn
Ar pez a lavarin bremàn :
Va Jesus a zo em c'halon ,
E varo hac e bassion.



Hac a vezò da virviqen
Evit nep glac'har , nep anqen ;
Rac-ze , tyrant , depech afo ,

D'eus d'am c'hondaoni d'ar maro.



An tyrant-se gant e arrach
A laqas dispen e bisach
Hac ar c'hig divar e c'hostou ,
Gant cribou houarn ha scrifellou.



Gant goulaouennou alumet
E gouliou a voe rostet ,
Hac e diou vron a unanou
Distaguet gant razouerou.



Tennet voe neuze en noaz beo ,
Goloet hepqen gant e bleo ,
Gant eur goabren güen meurbet
E goloas Salver ar bed.



Var e fenn an toliou morzol
A scöe gant quer bras horol ,
Ma crene memes ar pave
Gant an toliou a receive.

Pa veljont n'allent qet outi,
O deus sònjet e c'hondaoni
D'ar fin da veza dibennet
Var eur chaffot a voe dresset.



Ar Bourreo gant truez outi
Ne zibenne qet anezi ;
E zad, Bourreo ar c'hruella ,
En em offras d'e dibenna.



Neuze ec'h eure eur beden
Da Zoue vit ar Gristenien ,
Ma pliche da Zalver ar bed
Accordi dezi eur reqet.



Goulen a eure ouz Doue
Evit piou benac m'e sedje
Ne varvo qet subitamant
Abars receo ar Zoramant.



Un Æl neuze apparissas ,

Ha d'ar Zantez a lavaras :
Barba , n'ho ped douetanç ebet ,
Accordet eo dêc'h ho reqet.



Eur gurunen a c'hloar a zougàn
Bremâ-zouden d'ho curunàn ,
Rac prest oc'h da vont da velet
Doue , ar Zent ha Sentezet.



Eun tol cleze digant e zad
A zispartias evit mad
E c'horf eürus diouz e fen ,
Hac e lamas a hep anqen.



Eun tol curun demeus an eê
A foueltras e zad goude ze ;
Qement all evit paeamant
A c'hoarvezas gant an tyrant.



Ebars en calz euz a vroyou
Eus dediet dei Chapelou ;
Mes unan zo dreist pepini

A interess ac'hanomp-ni.



An drede deiz a viz Gouere
E ve bras ar solanite
E Santez Barba , en Rosco ;
Eno e ve tud a bep bro.



Pedomp-hi eta , Bretonet ,
Ma vimp dre e grāç preservet
Demeus ar gurun hac an tan ,
Ha da sovetat peb-unan.

FIN.



E Montroulez , eus an Imprimeri LÉDAN.